


王士湜編

實用成語大辭典

大陸圖書公司出版

中華民國十三年八月二十日初版



編輯者

蕭山王士湜

印刷者

大陸圖書公司

發行者

大陸圖書公司

總發行所上海

馬路四

大陸圖書公司

(外埠酌加郵費匯費)

甲種精裝一冊	定價大洋三元
乙種並裝二冊	定價二元四角

實用成語大辭典

(卷二十六)

●游覽類

【一】敖遊。敖遊也。詩以敖以遊。敖同遨。

【二】優游。詩優遊爾休矣。按優游和柔也。又自得貌。今亦爲耽好游戲之稱。

【三】雅游。史記張耳雅游。按今謂風雅之游。

曰雅游。

【四】薄游。漫游也。錢起詩使臣自欲論公道。

才子非關厭薄游。

【五】釣游。韓愈文某水某邱。吾童子時所釣游也。

【六】臥游。南史宗炳好山水。愛遠游。西涉荆

巫。南登衡岳。因結宇衡山。欲懷向平之志。有疾還江陵。歎曰。老病俱至。名山恐難遍觀。惟當澄懷觀道。臥以游之。凡所游歷。皆圖之於室。謂人曰。撫琴動操。欲令衆山皆響。

【七】汗漫游。汗漫放浪無檢制也。淮南子。吾與汗漫期於九垓之外。

【八】游屐。猶游履也。趙孟頫詩。山好雙游屐。

【九】謝公屐。南史謝靈運尋山陟嶺。必造幽峻。屐障數十重。莫不備盡登蹻。常着木屐。上

山則去其前齒。下山則去其後齒。

【一〇】濟勝具。世說許詢好游山水。而體便

登陟。時人云。許非徒有勝情。實有濟勝之具。

【一一】風景。謂風物光景也。晉書周顒嘆曰。

風景不殊。舉目有江山之異。

【一二】烟景。景物也。李白文。況陽春台我以

烟景。

【一三】遣興。消遣興致也。杜甫詩。遣興莫過

詩。

【一四】選勝。猶尋勝也。舊唐書德宗紀。各令

諸司選勝宴會。張籍詩。選勝又雙全。

【一五】尋勝。舊唐書明皇紀。每旬暇日。尋勝

地譙樂。

【一六】尋芳。歐陽修詩。尋芳無厭遽。

【一七】尋幽。謂尋訪幽勝也。張籍詩。尋幽皆

一絕。

【一八】探春。天寶遺事。都人士正月半。乘車

跨馬。于郊野之中。開探春之宴。

【一九】弔古。憑弔往古也。朱熹詩。弔古寧忘

恨。

【二〇】盤桓。眷戀意。陶潛文。撫孤松而盤桓。

【二一】句留。逗留也。句音遘。白居易詩。未能

拋得杭州去。一半句留是此湖。

【二二】題壁。言游覽而留題於壁間也。孟浩

然詩。染翰聊題壁。

【二三】留題。 昆陵薦福寺紅梅閣。士大夫多留題。見庚谿詩話。

【二四】登山泛水。 南史。梁元帝居藩。頗事聲譽。勤心著述。卮酒未嘗妄進。蕭恭從容謂曰。詩人多有仰眠牀上。看屋梁而著書。勞神苦思。竟不成名。豈如臨清風對朗月。登山泛水。肆意酣歌也。

【二五】慕山踰水。 慕音禡。登也。白居易詩。慕山尋澗澗。踰水渡津河。

【二六】登高臨水。 梁書。若乃登高目極。臨水送歸。

【二七】踰莎行草。 莎莎草也。陳羽詩。踰莎行草過春溪。

【二八】攀藤藉草。 藉草言草爲薦也。周書。奚達武傳。武年逾六十。唯將數人。攀藤援枝。然後得上。於是稽首祈請。陳百姓懇誠。卽於岳上藉草而宿。

【二九】入竹穿松。 章莊詩。入竹穿松似若耶。

【三〇】仰扳蘿薦。 王安石詩。俯視烟雲來不極。仰扳蘿薦去無前。

【三一】尋壑經邱。 晉書。既窈窕以尋壑。亦崎嶇以經邱。

【三二】必盡幽遐。 言務盡幽遠之處也。南史。

劉敞隱居求志。尤愛山水。登危履險。必盡幽
遐。

【三三】矯首遐觀。謂舉首遠望也。陶潛文。時
矯首而遐觀。

【三四】周覽泛觀。徧覽縱觀也。司馬相如賦。

周覽泛觀。

【三五】游目聘懷。言游觀豁放襟懷也。王羲

之文。所以游目聘懷。足以極視聽之娛。信可

樂也。

【三六】豁眼醒心。李羣玉詩。青天豁眼快。碧

海醒心秋。

【三七】祛蘊蕩霧。謝靈運詩。近矚祛幽蘊。遠

視蕩喧囂。

【三八】愜目宜心。愜、音餽。快也。羅維詩。芳秀
愜春日。高閑宜遠心。

【三九】性愜境殊。韋應物詩。性愜形豈勞。境
殊路遺緬。

【四〇】心契秋幹目翫春蕢。幹、木幹也。蕢、音

啼。草也。謝靈運詩。心契九秋幹。目翫三春蕢。

【四一】松清耳目竹碧衣襟。孟郊詩。松氣清

耳目。竹氛碧衣襟。

【四二】雲遊霞宿。言游宿於清高之處也。李

益詩。夙駕升天行。雲遊恣霞宿。

【四三】雲伴月留。韋莊詩。一帆雲作伴。千里

月相隨。

【四四】月留春引。白居易詩。月留三夜宿。春引四山行。

【四五】應接不暇。世說。王子敬云。從山陰道上行。山川自相映發。使人應接不暇。

【四六】恨不携詩。潛確類書。李白登華山落雁峯。曰。此山最高。呼吸之氣。上通帝座。恨不携謝朓驚人詩來。搔首問青天耳。

【四七】伯夷何遠。言得幽逸之趣。與往哲相類近也。晉書。謝安嘗往臨安山中。坐石室。臨澗谷。悠然嘆曰。此亦伯夷何遠。

【四八】終日酣賞。北齊書。邢邵傳。邵爲青州

府司馬。在青土終日酣賞。盡山泉之致。

【四九】竟日忘歸。晉書。阮籍傳。或登臨山水。竟日忘歸。

【五〇】悠然忘返。悠然閑暇貌。袁粲獨步園林。詩。酒自適。家居負郭。每杖策逍遙。當其意得。悠然忘返。見南史。

【五一】少留賞雪。邵氏聞見錄。謝逸聲歐陽永叔官洛陽。遊嵩山。暮歸抵龍門。雪作。留守錢文僖公遣吏以廚傳至。且勞之曰。山行良苦。少留龍門賞雪。毋遽返也。

【五二】秉燭夜遊。古詩。晝短苦夜長。何不秉燭遊。

【五三】卒當樂死。世說王右軍既去官遊諸郡名山。泛滄海。嘆曰。我卒當以樂死。

實用成語大辭典（卷二十七）

●訪謁類

【一】造請。造請也。漢書其造請諸公不避寒暑。

【二】造詣。晉書陶潛傳。酣醉便返。未嘗有所造詣。

【三】先容。容。雕刻加飾也。今以事物之先游說而紹介之曰先容。漢書蟠木根柢。輪囷離奇。而爲萬乘之器者。以左右先爲之容也。

【四】介紹。禮。介紹而傳命。

【五】紹介。同介紹。國策。勝請爲紹介。

【六】懷刺。刺。名柬也。後漢書禰衡傳。始達潁川。迺陰懷一刺。既而無所之適。至於刺字漫滅。

【七】通刺。言進名刺請謁也。李商隱文。通刺有期。

【八】投刺。義同上。高適詩。問津驚棄置。投刺忽踟躕。

【九】袖刺。義同前。袖刺謁豪閥。見西軒客談。

【一〇】握衣。言提衣進見也。握。渴侯切。又音區。禮曲禮。握衣趨隅。注。握提也。

【一】造廬。晉中興書中宗下令曰。賀循屋
纔庇風雨。孤常造其廬。

【二】訪戴。晉書王徽之傳。嘗居山陰。夜雪
初霽。月色清明。忽憶戴逵。逵時在剡溪。便夜
泛小舟。訪之。經宿方至。造門不前而返。人問
其故。曰。吾乘興而來。興盡而返。何必見安道
耶。

【三】御李。後漢書李膺傳。荀爽嘗就謁膺。
因爲其御。旣還。喜曰。今日乃得御李君矣。其
見慕如此。按今稱得名人之延見。曰御李。本
此。

【四】掃門求見。史記齊王世家。魏勃少時。

欲求見齊相曹參。家貧無以自通。乃常通早
夜掃齊相舍人門。

【五】伺候門牆。伺。音四。偵察也。韓愈文。伺
候於門牆者日益進。

【六】不速客。速。召也。易有不速之客三人
來。

【七】夙駕。詩。命彼倌人。星言夙駕。按夙。早
也。夙駕。謂早起駕車也。

【八】左顧。稱人惠顧之敬辭。下同。漢書。子
高乃幸左顧存恤。注。左顧。猶言枉顧。

【九】枉顧。言屈駕顧視也。袁士元詩。枉顧
多勞長者車。

【二〇】枉駕。言屈勞車馬也。三國志徐庶謂先主曰。諸葛孔明臥龍也。此人可就見。而不可屈致。將軍宜枉駕顧之。

【二一】枉光塵。謙辭也。猶辱勞清塵意。應璩詩。自昔枉光塵。詰言固終始。

【二二】親舉玉趾。稱人親自訪謁之辭。左傳寡君聞君親舉玉趾。將辱於敝邑。

【二三】足音跼然。跼音窮。足踢聲。莊子夫逃虛谷者。聞人足音跼然而喜矣。

【二四】戾止。戾至也。止也。詩我客戾止。

【二五】賁來。稱人之過臨也。賁音蔽。光采貌。詩賁然來思。

【二六】臨存。過臨其處而存問之也。漢書使重臣臨存。施德垂賞。以招致之。

【二七】過存。後漢書馬援傳。援聞至河內。過存伯春。

【二八】躡屣。躡音徒。前漢書雋不疑傳。勝之開閣延請。望見不疑容貌尊嚴。衣冠甚偉。勝之躡屣起迎。注師古曰。履不著跟曰躡。躡謂納履未正曳之而行。言其遽也。按謂急於趨迎也。

【二九】倒屣。言急欲起迎。倒著其屣以走也。魏志王粲字仲宣。蔡邕見而奇之。時邕才學顯著。貴重朝廷。車騎填巷。賓客盈坐。聞粲在

門。倒屣迎之。

【三〇】擁筴。喻掃逕以待客來也。筴，敍銳切。筴也。史記：太公擁筴迎門。

【三一】掃徑。杜甫詩：花徑不曾緣客掃。蓬門今始爲君開。

【三二】虛左。言空尊位以待客也。史記：信陵君傳：虛左自迎夷門侯生。

【三三】拂席改衣。南史：羊欣嘗詣謝混，混拂席改服，然後見之，欣由此益知名。

【三四】傾筐倒篋。謂傾物於筐篋，無所不罄。喻襟懷投契，盡所欲言也。世說：王右軍郝夫人嘗謂其二弟司空、中郎曰：王家見二謝傾

筐倒篋，見汝輩來，平平耳。汝可無煩復往也。

【三五】載酒從遊。漢書：揚雄傳：雄家貧，素著酒，人希至其門，時有好事者，載酒肴從游學。

【三六】半生半熟。拊掌錄：北都有妓，舉止生硬，土人謂之生張八。魏野贈詩云：君爲北道生張八，我是西州熟魏三。莫怪尊前無笑語，半生半熟未相諳。

【三七】不見俗人。晉書：阮修傳：性簡任，不修人事，絕不喜見俗人。

【三八】拒人千里。喻峻拒之也。孟子：訑訑之聲，音顏色。拒人於千里之外。註：訑，訑自足貌。音移。

【三九】不與作緣。喻不與親近也。劉真長王仲祖共行。日旰未食。有相識小人貽其餐。肴案甚盛。真長辭焉。仲祖曰。聊以充虛。而苦辭真長曰。小人都不可與作緣。

【四〇】罕所交接。南史蔡凝傳。自非素貴名流。罕所交接。

【四一】相左。謂訪謁不遇也。儀禮鄉射禮。司射進與司馬交于階前相左。疏。司馬由北而西行。司射由南而東行。各以左相近。故云相左也。

【四二】題鳳。世說。嵇康與呂安善。每一相思。千里命駕。安後來。值康不在。喜出戶延之。不

入題門。上作鳳字而去。喜不覺。猶以爲忻。故作鳳字。凡鳥也。按喜康之兄。凡鳥。譏鳳也。王維詩。到門不敢題凡鳥。看竹何須問主人。

黑幕

社 會 秘 密

海 黑 大 上 幕 觀

◀ 洋裝一冊定價六角 ▶

鬼蜮伎倆……和盤托出

秘密行爲……一齊拆穿

欲知上海秘密者……不可不看

將至上海遊歷者……不可不看

已在上海謀生者……不可不看

喜聽趣聞怪事者……不可不看

上海社會。人情狡詭。稍一不慎。便落陷阱。本書將個中秘密。一一揭破。如掛秦廷之鏡。如燃牛渚之犀。一切妖魔鬼怪。均各顯露原形。無可逃遁。如奸淫醜惡之秘史。窮凶極惡之伎倆。皆屈曲描出。不稍隱諱。書中所記。都是最新最近之事實。爲人世間所意想不到者。亟宜一讀。以廣眼界。

實用成語大辭典（卷二十八）

會聚類

【一】邂逅。不期而遇也。詩：邂逅相遇，適我願兮。

【二】謀面。相見也。書：謀面用不訓德。

【三】半面。謂露面之半也。後漢書：開扇出半面視奉。又人不相識，謂無半面之識。白居易：文朝中無總麻之親，達官無半面之識。

【四】把袂。謂握手接談也。梁元帝文：何時把袂共披心腹。

【五】良覲。良好之會見也。覲，音狄。見也。謝靈

運詩：搔首訪行人，引領冀良覲。

【六】奉教。稱與人接談曰奉教。史記：數奉教於君子矣。

【七】寒溫。謂相見道寒溫也。晉書：王獻之傳：獻之寒溫而已。

【八】暄寒。與寒溫同。南史：及其引進，但寒暄而已。

【九】暄涼。義同暄寒。南史：遇賓客填咽，暄涼而已。

【一〇】寒暄。義同寒溫。五代史：胡晟傳：爲人

口吃。遇人不能道寒暄。

【一】承顏接辭。謂會聚而接談也。漢書雋不疑傳。今乃承顏接辭。

【二】分庭抗禮。史記。子貢結駟連騎。以駢諸侯。所至國君。無不分庭與之抗禮。按謂子貢所至之處。諸侯皆以平等之禮待之也。

【三】倚裳聯襪。謂會聚也。倚。音器。偏引也。襪。音藝。袂也。潘岳賦。蹠踵側肩。倚裳聯襪。

【四】相見恨晚。史記。主父偃傳。主父偃上書闕下。徐樂嚴安俱上書。天子召見三人。謂曰。公等皆安在。何相見之晚也。杜甫詩。論交翻恨晚。臥病却愁春。

【五】相語移日。謂語久而日影移也。公羊傳。二大夫出。相與倚閭而語。移日。然後相去。

【六】刮目相待。謂以另眼看待也。三國志呂蒙傳。注。蒙答魯肅曰。士別三日。即更刮目相待。

【七】懽然道故。言欣然叙其往昔之交情也。史記。卒然相見。懽然道故。

【八】暢叙幽情。王羲之文。亦足以暢叙幽情。

【九】懽聚。趙師俠詞。五世祖孫懽聚。

【十】款留。留客也。宋史。必奇士也。款留之。【十一】地主。對客而言。居住於此者曰地主。

左傳地主會餼。

【二二】東道主。今謂出飲食款人曰東道主。

左傳若舍鄭以爲東道主。

【二三】宴集。聚集宴會也。舊唐書楊師道傳。

師道退朝後必引當時英俊宴集團池而文

會之盛當時莫比。

【二四】高會。猶盛會也。漢書收羽美人貨賄。

置酒高會。歐陽修詩文酒遡高會。

【二五】雅會。高雅之聚會也。耶律楚村詩同

城雅會清茶話。

【二六】茶話。謂淪茗清談也。方岳詩茶話略

無塵土雜。荷香剩有水風兼。

【二七】適館授粢。謂留客而食宿之也。詩適

子之館兮。還予授子之粢兮。

【二八】銜觴接席。梁書居銜觴而接席。出方

舟以同濟。

【二九】琴尊宴集。杜審言詩琴尊橫宴集。

【三〇】殺雞爲黍。言殺雞作飯以款客也。論

語止子路宿。殺雞爲黍而食之。

【三一】酒食徵逐。徵召也。逐趨也。謂朋友往

來以酒食爲樂也。韓愈文酒食游戲相徵逐。

【三二】平原十日飲。史記秦王詳爲好書遣

平原君曰寡人聞君之高義幸君過寡人願

與君爲十日之飲。